



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conciliorvm Omnivm Generalivm Et Provincialivm
Collectio Regia**

Ab anno MDLX. ad annum MDCXXIII.

Parisiis, 1644

Leonis papæ X. vulgo XI. vita.

urn:nbn:de:hbz:466:1-15522

V I T A
L E O N I S P A P Æ X.
V V L G O X I.

ANNO
CHRISTI
1605.

LEO huius nominis decimus, Alexander Medices ante vocatus, patria Florentinus, Cosmi magni ducis Etruriæ consobrinus, ex cardinale sanctorum Ioannis & Pauli (quem titulum virtutibus eius debitum Gregorius XIII. ei contulerat) Clementi VIII. in pontificatu subrogatus est quarto Nonas Aprilis, anno Christi millesimo sexcentesimo quinto, imperante Rudolpho II. Ante pontificatum, archiepiscopatu etiam Florentino fungens, a Clemente VIII. ad Henricum IV. Galliæ regem anathemate iam ab eodem pontifice expiatum, legatus de latere missus est: vbi per annos duos moratus, legatione bene gesta, & pace tandem inter potentissimos Galliæ & Hispaniæ reges constabilita, Ferrariam, vbi Clemens agebat, profectus, magno pontificis & cardinalium præsentium applausu exceptus est. Quando vero ad gubernacula ecclæ admotus est, tantam statim omnium ordinum spem de se concitauit, quantam insperata & nimis accelerata mors consternationem omnibus attulit. Nam cum ad sanctum Ioannem Lateranensem possessionis capienda causa, de more, celeberrimo comitatu se contulisset, a maximis sudoribus subito refrigeratus in morbum grauissimum incidit, ex quo vigesimo septimo Aprilis eiusdem anni, postquam vigintiquinque dies ecclesiæ præfuisset, in humanis esse desit.

V I T A
P A V L I P A P Æ V.

PAVLVS V. Camilli Burghesii nomine ante dictus, patria Romanus, Antonio Burghesio Senense, aduocatorum consistorialium decano, & Flaminia Astallia rari & incomparabilis exempli femina prognatus, post referendarii vtriusque signaturæ & auditoris Cameræ mune-